



ACORDO DE COLABORACIÓN ENTRE A CONSELLERÍA DE SANIDADE, A TRAVÉS DO SERVIZO GALEGO DE SAÚDE, E A CONSELLERÍA DE EMPREGO, COMERCIO E EMIGRACIÓN PARA A PROMOCIÓN DA INTEGRACIÓN NO MERCADO LABORAL DE PERSOAS CON TRASTORNO MENTAL GRAVE

MEMORIA XUSTIFICATIVA DE UTILIZACIÓN DA FIGURA DO ACORDO DE COLABORACIÓN

A Secretaria Xeral Técnica da Consellería de Sanidade, DECLARA:

Que, a Consellería de Sanidade formalizou o día 09.06.2026 coa Consellería de Emprego, Comercio e Emigración, o instrumento arriba referido por un período de vixencia que abrangue dende o 09.06.2026 ata o momento en que finalicen as actuacións nel recollidas, cos prazos previstos no Programa Operativo do FSE+ Galicia 2021-2027.

Que o Acordo de colaboración ten por obxecto, segundo expresa o seu propio texto *“establecer as pautas que se seguirán na colaboración entre a Consellería de Sanidade, a través do Servizo Galego de Saúde, e a Consellería de Emprego, Comercio e Emigración para a promoción da integración laboral das persoas con trastorno mental grave.”*

Deste xeito, e segundo o estipulado polo Acordo *“No marco do Programa FSE+ Galicia 2021-2027, o Servizo Galego de Saúde pretende facilitar a integración no mercado laboral do maior número posible de persoas con trastorno mental severo a través dos centros de rehabilitación psicosocial e laboral da Comunidade, implantando un novo modelo no que as persoas usuarias destes centros sexan guiadas cara itinerarios formativos que terán como obxectivo a adquisición dun emprego remunerado.”*



Que existe converxencia de intereses entre as entidades asinantes para a formalización da transferencia do crédito necesario para o cumprimento dos compromisos que asume a Consellería de Emprego, Comercio e Emigración en orde á consecución do obxecto referido.

Que o instrumento convencional asinado fundaméntase no seguinte:

Que a Consellería de Sanidade é o órgano da Administración autonómica responsable da superior dirección e control da execución da política da Xunta de Galicia en materia de saúde, planificación e asistencia sanitaria e farmacéutica, así como do exercicio das competencias da Xunta de Galicia para asegurar á cidadanía o dereito á protección da saúde.

“O Servizo Galego de Saúde, organismo autónomo creado pola Lei 1/1989, do 2 de xaneiro, do servizo galego de saúde, e adscrito á Consellería de Sanidade, ten atribuídas as competencias precisas para o desenvolvemento de todas as áreas que configuran o concepto integral de saúde, xestionando a sanidade en todas as súas facetas, de conformidade co previsto no Título VI da Lei 8/2008, do 10 de xullo, de saúde de Galicia.”

“O Decreto 145/2024, do 20 de maio, polo que se establece a estrutura orgánica do Servizo Galego de Saúde, determina que a Dirección Xeral de Asistencia Sanitaria, a través da Subdirección Xeral de Atención á Saúde Mental e do seu servizo de Atención á Saúde Mental e Integración Psicosocial e Trastorno Mental Grave, é a responsable da coordinación da rede de servizos e recursos sociosanitarios vencellados ao coidado e a rehabilitación no trastorno mental grave”.

“O Decreto 389/1994, do 15 de decembro, polo que se regula a saúde mental en Galicia, establece as directrices xerais de actuación na saúde mental e na asistencia psiquiátrica, a regulación dos dispositivos dirixidos á promoción e protección da saúde mental, a prevención das enfermidades psíquicas e a asistencia, rehabilitación e integración dos enfermos mentais.”

“A confluencia de intereses entre as dúas consellerías converte a figura do Acordo de colaboración prevista no artigo 14 da Lei 14/2013, do 26 de decembro, como a idónea para dar efectivo cumprimento á consecución da perseguida integración





psicosocial e laboral, no que as partes asinantes colaboran para acadar o interese xeral perseguido mediante o desempeño conxunto de tarefas de interese público.”

Que os intereses converxentes da Consellería de Sanidade, a través do Servizo Galego de Saúde, e a Consellería de Emprego, Comercio e Emigración maniféstanse mediante a sinatura deste Acordo.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificado o recurso á sinatura do Acordo de colaboración que se pretende, con exclusión doutras figuras.

E para que conste, asíñase dixitalmente esta memoria en Santiago de Compostela

A secretaria xeral técnica

Natalia Lobato Mosquera

